

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 04.10.2019թ. թիվ 1910156159 որոշումն անփոփոխ, իսկ վարչական բողոքն առանց բավարարման թողնելու մասին

<<31>> 10 2019թ. 17-13-8797

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Կարեն Մարգարյանի 112710-19 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Շոպրոնի 2-րդ նրբանցքի 6-րդ շենքի 11-րդ բնակարանի բնակիչ Կարեն Մարգարյանը դիմումում վկայակոչելով ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> 28.06.2007թ-ի թիվ 955-Ն որոշման 68-րդ և 70րդ կետերը, 1-ին հավելվածի 1-ին ձևի 5-րդ գլխի 5.23.1 և 5.23.2 նշանները իր անհամաձայնությունն է հայտնել Ճանապարհային ոստիկանության վարչական տույժ նշանակելու մասին թիվ 1910156159 որոշմանը:

Դիմումի քննարկման արդյունքում պարզվել է, որ վարչական տույժ նշանակելու մասին թիվ 1910156159 որոշումն ենթակա չէ բեկանման հետևյալ պատճառաբանությամբ.

<<Չափումների միասնականության ապահովման մասին>> օրենքի պահանջներով պայմանավորված Հայաստանի Հանրապետությունում շահագործվող բոլոր արագաչափ սարքերը սահմանված ժամկետում և կարգով ստուգաչափված են, հետևաբար, սահմանված արագության գերազանցման փաստերը դիմումատուին պատկանող տրանսպորտային միջոցով կատարված լինելու հանգամանքը չի կարող կասկածի տակ դրվել, քանի որ լուսանկարներում նշված է տրանսպորտային միջոցի երթևեկության գոտին, ուղղությունը և այլն:

Ճանապարհային երթևեկության հսկողության կազմակերպման բաժնի տեղեկանքի համաձայն՝ Մ-1 Երևան – Գյումրի – Վրաստանի սահման ավտոճանապարհի 16.2 կմ-ի հատվածում տեղակայված արագաչափ սարքից առաջ, երկու ուղղություններով տեղադրված են 5.23.1՝ (Պողոյան) <<Բնակավայրի սկիզբ>> ճանապարհային նշանները, որոնք առկա են եղել նաև 15.09.2019թ-ին:

Այսպիսով՝ ակնհայտ է, վերը նշված արագաչափ սարքով արձանագրվել է դիմումատուին պատկանող տրանսպորտային միջոցի արագությունը՝ 73 կմ/ժ, իսկ Վարչական իրավախախտումների վերաբերյալ ՀՀ օրենսգրքի 124.4-րդ հոդվածի 1-ին մասի համաձայն՝ երթևեկության սահմանված արագությունը 1-10 կմ/ժ-ով գերազանցելը՝ առաջացնում է տուգանքի նշանակում՝ յուրաքանչյուր գերազանցված կմ/ժ արագության համար՝ նվազագույն աշխատավարձի չափով, հետևաբար դիմումատուին վարչական տույժ նշանակելու մասին որոշումն իրավաչափ է և այն բեկանելու որևէ հիմք առկա չէ:

Ելնելով վերոգրյալից և ղեկավարվելով <<Վարչական իրավախախտումների վերաբերյալ>> ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 04.10.2019թ. թիվ 1910156159 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Կարեն Մարգարյանին:



[Handwritten signature]

Ե.Կարապետյան

Կատարող Կ.Ահարոնյան
Հեռ.՝ 011-544-783